

57

7. apríl

Fé sjóðsins skal geymast og ávaxtast í Sparisjóði Sauðárkróks, eða annarri jafntryggri lánsstofnun, ásamt þeim hluta árlegra vaxta, er ekki ganga til úthlutunar. Verði eitthvert ár ekki úthlutað úr sjóðnum, leggjast allir vextir hans við höfuðstól.

7. gr.

Stjórn sjóðsins skipa 3 menn.

Sjálfkjörnir í stjórnina eru: þjónandi prestur í Hvammsprestakalli og hreppstjóri Skefilsstaðahrepps, en 1 kosinn af Kvenfélagi Skefilsstaðahrepps. Gildir kosning hans til 5 ára.

8. gr.

Stjórnarnefnd annast styrkveitingar úr sjóðnum og annað honum viðkomandi. Hún heldur gerðabók, er hún ritar í styrkveitingar og aðrar framkvæmdir sínar í þágu sjóðsins. Hún gerir jafnaðarreikning yfir tekjur og gjöld sjóðsins ár hvert, og sendir sýslunefnd Skagafjarðarsýslu þá til athugunar og samþykktar.

9. gr.

Leita skal staðfestingar ríkisstjóra á skipulagsskrá þessari, og má henni ekki breyta, nema öll stjórnarnefndin leggi það til og Kvenfélag Skefilsstaðahrepps ásamt almennum sveitarfundi sama hrepps, samþykki breytinguna, verður þá og að leita staðfestingar á henni. En þó má aldrei skerða höfuðstól þann, sem þá er til, og aldrei láta koma til úthlutunar meira en $\frac{1}{10}$ vaxta af höfuðstólnum.

Hætti Kvenfélag Skefilsstaðahrepps að vera til, tekur hreppsnefnd sama hrepps að sér hlutverk þess gagnvart sjóðnum.

Fyrir hönd stofnenda sjóðsins.

Hrauni, 18. des. 1941.

Helgi Konráðsson,
prestur.

Steinn L. Sveinsson,
hreppstjóri.

58

7. apríl

Staðfesting ríkisstjóra á skipulagsskrá fyrir „Ekknasjóð Akraness“, útgefin á venjulegan hátt að mandatum af dóms- og kirkjumálaráðherra 7. apríl 1942.
Skipulagsskráin er þannig:

SKIPULAGSSKRÁ

fyrir Ekknasjóð Akraness.

1. gr.

Sjóðurinn heitir Ekknasjóður Akraness, og er stofnaður af Ásbirni Ólafssyni snikkara, Þingholtsstræti 22, Reykjavík, á áttæðisafmæli hans hinn 15. október 1940, til minningar um foreldra hans, hjónin Ólaf Magnússon og Málfríði Ásbjörnsdóttur, sem kennd voru við Litlu-Brekku á Akranesi.

2. gr.

Stofnfé sjóðsins er gjöf stofnandans að upphæð 1000 — eitt þúsund — krónur á stofndegi, hinn 15. okt. 1940. Tekjur sjóðsins eru, auk tilfallandi vaxta, gjafir og áheiti, er honum kunna að áskotnast.

3. gr.

58

Tilgangur sjóðsins er að styrkja efnalitlar ekkjur í Akraneskaupþúni af vöxtum sjóðsins, og skal styrkjum úthlutað á stofndegi hans, hinn 15. október ár hvert.

7. apríl

4. gr.

Stjórn sjóðsins skipa fimm menn: Lögreglustjóri, sóknarprestur, barnaskólastjóri, héraðslæknir og elzta lögskipuð starfandi ljósmóðir Akranesskaupþúns. Stjórnin skiptir sjálf með sér verkum.

5. gr.

Höfuðstól sjóðsins skal ávaxta í aðaldeild Söfnunarsjóðs Íslands, með þeim skilyrðum að helmingur vaxta greiðist sjóðstjórninni árlega til úthlutunar, en hinn helmingurinn leggist við höfuðstól, auk gjafa og áheita, sem sjóðnum áskotnast.

6. gr.

Reikningsár sjóðsins er almanaksárið. Skal árlega senda reikning hans nefnd þeirri eða stofnun, er hefur eftirlit með varðveislu opinberra sjóða.

Hreppsnefnd Ytri-Akraneshrepps getur og kosið tvo endurskoðendur sjóðsins.

7. gr.

Þegar útborguð vaxtaupphæð leyfir og „Ekknasjóður drukknaðra manna í Borgarfjarðarsýslu“ fær að mestu leyst af hendi það hlutverk, sem sjóðnum er ætlað, er stjórn sjóðsins heimilt, að áskildu samþykki hreppsnefndar og stjórnar fyrrnefnds sjóðs, að verja nokkru af greiddum vöxtum til þess að veita móðurlausum eða fátækum börnum í kaupþúninu styrk til uppeldis eða menningar, og skulu þá börn þeirra ekkna, er áður hafa notið styrks úr sjóðnum, ganga fyrir að öðru jöfnu.

8. gr.

Leita skal konungsstaðfestingar á skipulagsskrá þessari.

AUGLÝSING

59

um bráðabirgðabreyting á hafnarreglugerð fyrir Ísafjarðarkaupstað 1. apr. 1936.

10. apríl

Hafnsögugjald samkvæmt 33. gr. hafnarreglugerðarinnar innheimtist með viðbót, er nemi 60 af hundraði, meðan dýrtíðarástand það helzt, sem nú er og þangað til annað kann að verða ákveðið.

Reglugerðarbreyting þessi staðfestist hér með samkvæmt lögum nr. 88 3. maí 1935, um hafnsögu í Ísafjarðarkaupstað, shr. lög nr. 34 19. júní 1922, til að öðlast þegar gildi og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 10. apríl 1942.

F. h. r.

Vigfús Einarsson.

Gunnl. E. Briem.